



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՄԵՐԻԿԱՅԻ ԱՐԵՒՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
Tel: 818-248-7737/8, Fax: 818-248-7745
E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱՉԱՆԻ ՕՐՀՆՈՒԹԻՒՆՆԵՐԸ ՎԵՐԱՄՈՒՏԻ ԱՌԻԹՈՎ

Թեմիս Ազգային Վարժարաններուն համար, Չորեքշաբթի, 3 Սեպտեմբերը վերամուտի օրն էր: Ամառնային արձակուրդի շրջանը բոլորելէ ետք, մեր դեռատի ու պատանի աշակերտները վերադարձան դպրոց՝ հոգիներու եւ միտքերու հարստացման օճախները:

Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան Վերամուտի առաւօտուն այցելեց յաջորդաբար Ազգ. Ալեք Փիլիպոս Երկրդ. Վարժարանն ու Վահան եւ Անոյշ Շամլեան վարժարանը, ապա նաեւ հաղորդակցութեան մէջ մտաւ բոլոր վարժարաններու տնօրէններուն ու վարիչներուն հետ, բարի երթ մաղթելով 2008-2009 ուսումնական տարեշրջանին համար:

Ազգ. Ալեք Փիլիպոս վարժարանին մէջ, Առաջնորդ Սրբազանը դիմաւորուեցաւ տնօրէնին, ուսուցչական կազմին ու աշակերտներուն կողմէ: Վերամուտի իր պատգամին մէջ, Առաջնորդ Սրբազանը վեր առաւ Հայ Դպրոցին իւրայատուկ դերն ու առաքելութիւնը մեր մատղաշ սերունդներուն հոգեւոր ու ազգային դաստիարակութեան գործին մէջ, ընդգծելով որ մեր վարժարանները, գիտութիւն եւ տեղեկութիւն ջամբելու կողքին, մեր աշակերտներուն կ'ընծայեն հոգեկան ու ազգային հարստութեամբ տոգորուելու առիթը: Ան մաղթեց, որ մեր աշակերտները Աստուծոյ պատկերը անաղարտ պահեն ու աճին մարմնով, միտքով ու հոգիով:

Առաջնորդ Սրբազանը նաեւ յիշեալ երկու վարժարաններու տնօրէնութեանց յանձնեց Լինսի Հիմնարկին կողմէ ուսումնական նոր տարեշրջանին համար կատարուած յատկացումը, իսկ միւս վարժարաններուն յատկացումները յանձնուեցան Ազգ. Վարչութեան ատենապետին եւ հոգեւոր հովիւներու կողմէ: Նշենք, որ բոլոր վարժարաններուն կատարուած յատկացումին ընդհանուր գումարը այս տարի բացառաբար 1,025,000 տոլար է, հիմնուելով դպրոցներու կարիքներուն ու ծրագիրներուն վրայ:

Վերամուտի առիթով, յատուկ արարողութիւններ տեղի ունեցան նաեւ Ազգային բոլոր վարժարաններու եւ մանկամստւորներու յարկին տակ: Իւրաքանչիւր շրջանի հոգեւոր հայրերը ներկայ եղան արարողութեան, կատարեցին ուսումնական տարեշրջանի առաջին աղօթքը ու ընթերցեցին Առաջնորդ Սրբազանին վերամուտի յատուկ պատգամը:

PRELATE CONVEYS HIS BLESSINGS ON THE START OF THE NEW SCHOOL YEAR

On Wednesday, September 3rd, Prelacy Schools commenced the 2008-2009 academic year. H.E. Archbishop Moushegh Mardirossian, Prelate, visited Prelacy Schools and offered his blessings to the faculty and students for a successful school year. The Prelate visited Rose and Alex Pilibos School and Vahan and Anoush Chamlian School on Wednesday, and was in telephone contact with the principals of the schools he could not visit personally.

Upon his arrival at Pilibos School, the Prelate was greeted by the principal, faculty, and students. In his message addressed to the students, the Prelate emphasized the special role of the Armenian School in that alongside the academic curriculum, our schools have an additional mission to instill in our students our spiritual and national values.

During his visits to the schools, the Prelate also presented the principals with the recent donation made by The Lincy Foundation to Prelacy Schools, which this year was in the unprecedented amount of \$1,025,000. The rest of the checks were presented to each of the schools by the chairman of the Executive Council and pastors.

Prelacy pastors also attended the ceremonies of their local schools to convey their blessings and to read the Prelate's back to school message to the students.